

UGOVOR

o pružanju usluga smještaja

Zaključen u Sarajevu dana 31.03.2016. godine između:

1. JU Peta gimnazija, Sarajevo, Ul. Senada poturka Sencija bb, ID broj. 4200454420008, kojeg zastupa direktor škole mr. Sejad Šenderović (u daljem tekstu : Naručilac usluga)

i

2. Emiran Studentski dom d.o.o Sarajevo, ul. Aleje Bosne Srebrene bb, ID BR: 4202044780000, koju zastupa direktor Ilhana Kubat, (u daljem tekstu: Davalac usluga).

Član 1.

Ugovorne strane su se dogovorile da Davalac usluga vrši usluge smještaja u periodu od 03.04.2016. do 06.04.2016. u objektu Emiran Studentski dom d.o.o Sarajevo u ul.Aleje Bosne Srebrene bb za potrebe Naručioaca usluga i to na način i pod uslovima koji će biti dogovoreni ovim Ugovorom.

Sastavni dio ovog ugovora čine Zahtjev za ponudu broj 01-701/2016 od 18.03.2016. godine od strane JU Peta Gimnazija i ponude broj 18-03-16/01 od 18.03.2016 godine od Emiran Studentski dom d.o.o. Sarajevo.

Član 2.

Ugovorne strane su saglasne da će ukupno biti 65 osoba koji će odsjedati u Studentskom Domu Emiran i da će ukupna cijena zakupa za nevedeni period biti 3.900 KM (slovima: trihiljadeidevetsto i 00/100). Emiran Studentski Dom d.o.o. Sarajevo nije u sistemu PDV-a.

Član 3.

Davalac usluga je obavezan shodno ovom ugovoru dati smještajne kapacitete u vidu 32 dvokrevetne i 1 jednokrevetnu sobu na raspolaganje.

U navedenu cijenu nisu uključeni obroci.

Član 4.

Naručilac usluga se obavezuje da će obaveze po ovom ugovoru izmiriti u roku od 30 dana od dana potpisivanja ovog Ugovora, tako što će izvršiti uplatu cjelokupnog iznosa prema dostavljenom računu.

Član 5.

Ovaj ugovor stupa na snagu danom potpisivanja i važi do vremena trajanja boravka ove grupe u svrhu održavanja Međunarodne revije sporta, tj do 06.04.2016. godine.

Član 6.

Davalac usluga uzima na znanje da u tijeku ispunjenja obaveza po ovom Ugovoru on, njegovi zaposlenici i/ili zastupnici mogu saznati podatke o poslovanju ili aktivnostima Naručioca usluga ili s njim povezanih društava, i da takvi podaci jesu ili mogu biti povjerljivi. Davalac usluga i njegovi zaposlenici i/ili zastupnici se obavezuju da takve podatke neće otkrivati, bilo tijekom trajanja Ugovora niti nakon tog bilo kojoj osobi, niti na drugi način koristiti takve podatke. Davalac usluga se obavezuje poštovati povjerljivost ovog Ugovora i suzdržati se od otkrivanja bilo kojeg dijela istog trećoj strani, bez predhodnog pisanog odobrenja od strane Naručioca usluga.

Član 7.

Ugovorne strane su saglasne da će se sve izmjene i dopune osnovnog ugovora regulisati aneksima ugovora sastavljenim u pisanom obliku i potpisanim od ovlaštenih potpisnika ugovornih strana.

Na ovaj ugovor primjenjuju se odredbe Zakona o obligacionim odnosima.

Član 8.

Ovaj Ugovor sačinjen je u 4 (četiri) jednakovažeća primjerka od kojih svaka ugovorna stranka zadržava po dva primjerka.

Član 9.

U slučaju spora u vezi s ovim ugovorom nadležan je sud u Sarajevu. Ugovorne strane su saglasne da se u izvršenju i tumačenju ovog Ugovora primjenjuje pravo države Bosne i Hercegovine i Federacije Bosne i Hercegovine.

ZA DAVAOCA USLUGA:



ZA NARUČIOCA USLUGA:
JU Peta gimnazija
Direktor škole: _____

Broj: 01-868 /2016
31.03.2016. godine